



Arkivnr: 2014/555-26
Saksbehandlar: Lise Ådlandsvik

Saksframlegg

Saksgang

Utval	Saknr.	Møtedato
Fylkestrafikksikringsutvalet i Hordaland		04.02.2015

Aktivitetsmidlar 2015 - søknad frå Trygg Trafikk Hordaland

Samandrag

Trygg Trafikk sine til årlege aktivitetsmidlar vert dekkja over Fylkestrafikksikringsutvalet (FTU) sitt budsjett. Distriktsleiaren utarbeidar kvart år ein søknad til FTU med omtale av dei planlagde aktivitetane det kommande året. Søknaden for 2015 er på 380.000 kr, og det er sett opp fem hovudaktivitetar, - i tillegg til posten til diverse utgifter. Fylkesrådmannen rår til midlane vert tildelt slik det går fram av søknaden.

Forslag til vedtak

Trygg Trafikk Hordaland vert tildelt 380.000 kr i aktivitetsmidlar i 2015.

Rune Haugsdal
fylkesrådmann

Håkon Rasmussen
fylkesdirektør samferdsel

Saksframlegget er godkjent elektronisk og har derfor inga underskrift.

Vedlegg: Brev av 16.01.2015. Søknad om aktivitetsmidler til Trygg Trafikk for 2015

Fylkesrådmannen, 12.01.2015**Bakgrunn**

Trygg Trafikk sine til årlege aktivitetstilskott vert dekkja over Fylkestrafikksikringsutvalet (FTU) sitt budsjett. Distriktsleiaren utarbeidar kvart år ein søknad til FTU med omtale av dei planlagde aktivitetane det kommande året. Søknaden for 2015 er på 380.000 kr, og det er sett opp fem hovudaktivitetar, - i tillegg til posten til diverse utgifter.

I søknaden går det klår fram at arbeidet med «Trafikksikker kommune» er eit stort prosjekt og viktig satsingsområde som distriktsleiaren i Hordaland vil bruke mykje ressursar på. Dette er i samsvar med Hordaland fylkeskommune sine særskilde satsingsområde, og målsetjing om sertifisering av 10 kommunar i inneverande planperiode. Vidare går det fram av søknaden at mykje av aktivitetstilskottane skal rettast inn mot arbeide med born og unge.

Aktivitetstilskottane til Trygg Trafikk som eigen post i FTU-budsjettet

Aktivitetstilskottane til Trygg Trafikk er i 2015 sett opp som ein eigen post i FTU-budsjettet, og vil med det ikkje lenger vere ein del av tilskottsordninga *Tilskott til lokale trafikksikringsarrangement*. Det er fleire grunnar til denne endringa. Fyrst og fremst er aktivitetstilskottane til Trygg Trafikk ei ordning som ligg fast, og er regulert gjennom eigne avtalar. Aktivitetstilskottane er grunnlaget for distriktsleiaren sine oppgåver i fylket, og desse tilskottane kan difor ikkje likestillast med den type lokale tiltak som får tilskott gjennom tilskottsordninga til lokale trafikksikringsarrangement.

Vidare er det naturleg at rapporteringa til FTU om bruken av dei årlege aktivitetstilskottane er meir omfattande og detaljert enn dei krav ein set til tilskottstilskottane ein løyver gjennom tilskottsordninga til lokale trafikksikringsarrangement. Mellom anna har distriktsleiaren ansvar for å rapportere til FTU undervegs, samt utarbeide ein årsrapport i etterkant. Vidare vert det lagt til grunn at ved større budsjettendringar innanfor aktivitetstilskottane, så vil dette verte lagt fram for FTU i møte.

Kjerneområda til Trygg Trafikk har tradisjonelt vore retta mot born og unge, og i stor grad vore trafikkopplæringsaktivitetar i barnehage og skule. Mellom anna tilbyr Trygg Trafikk kurs og opplæring til barnehagetilsette, samt utdeling av opplæringsmaterieill. Trygg Trafikk sine kurs til barnehagetilsette har dei siste åra ikkje vore ein del av aktivitetstilskottane, men vore fakturert direkte over FTU sitt budsjett via tiltaket «Trafikkopplæring i barnehagar og skular», jf handlingsplanen. Utgiftene til denne trafikkopplæringa er no teke med som ein del av søknaden om aktivitetstilskottar for 2015 ettersom det er Trygg Trafikk som i stor grad tek hand om trafikkopplæringa i barnehagar og skular. Dette er bakgrunnen for at søknadssummen har auka noko samanlikna med 2014 (340.000 kr).

Når det gjeld distriktsleiaren sine utgifter til husleige, reise, kontorhald og liknande vert også dette over fylkeskommunen sitt budsjett, men er ikkje ein del av aktivitetstilskottane. Tilskottane vert ført som ein eigen post i driftsbudsjettet til fylkesvegane.

Fylkesrådmannen sine kommentarar

Fylkesrådmannen rår til tilskottane vert tildelt slik det går fram av søknaden.